

中國方志叢書·華中地方·第三五二號

據

清·林讓昆等修，楊世霖纂
同治五年抄本

影印

湖北省

保康縣志

(全)

成文出版社有限公司印行

K29

14819

135V

407/05

在四川网搜索古籍书城 获取更多电子书
入驻商家
Scribiv 文川网
古籍书城



10096929

中華民國六十四年 月臺一版

保康縣志

全 冊

發行人：黃 成 助

出版者：成文出版社有限公司

台北市郵政信箱二二六〇五號

台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

保康縣志序

邑之有序所以紀山川辨風土考古今述人物者也。鄧陽一郡界秦楚之際素僻陋罕掌故而保康又為房縣所析明若治間始分治雖往代累有傳播而多統於房無復表見然則將何以為志曰志之為志雖主於記載亦以俟為民牧者鑒而觀焉審如是又何必誇多闢靡炳耀簡冊而後為志哉。關其所無詳其所有足以有裨於治化斯已矣。東吳朱君菊城以儒生為循吏於同治乙丑蒞是邑適當事有督修之役遂奮然以為己任而邑之舊志燬於兵火者再矣。大冶楊君慰農秉鐸十餘年灼知地方利病又留心蒐訪有素爰與邑諸生哀而輯之越期月而歲事已以蒙本郵寄索予一言予受而讀之卒簡知二君之所以為是書者固為吏治民風計至深且遠而非獨紀山川辨風土考古今述人物已也。異日膺司牧之責覽斯志而知斯土之所以為治也豈非大有裨於治化哉。於是予書同治四年歲次乙丑季冬上澣湖北安襄鄖荆備兵使者仁和王文報夔石氏識於襄陽官廨。

docsriver 文川网
入驻商家 古籍书城

在文川网搜索古籍书城 获取更多电子书

保康縣志序

癸亥夏昆攝保康篆下車時訪求邑衆家無其書嗣致鄖陽郡志載黃義舉纂保康志未刊及詢諸父老而先生焉
有其稿本亦無存乃於甲子春集諸君子而謀之曰邑之有志捐國之有史也上而政治下而風化所關最鉅保康
自明宏治十一年分房之修文宜陽二里為邑迄今三百餘年志書闕如修之為可緩哉司鐸楊公力贊斯議遂命
諸紳士分司其事是年七月適昆有勳理秋闈之役來刺史及瓜而代謀付剞劂昭示來茲誠盛事也諸君子以昆
倡修亟以序請爰郵寄數語誌諸簡端

同治五年丙寅同知銜黃岡縣知縣前署保康縣事岱青林讓昆序於西陵官廨

保康縣志序

朝廷設官甚衆其與士民相親者邑之官師為最志乃官師之鑑也攷自班孟堅以志易書後漢增與服志唐宋遼金元增選舉兵制志類皆有闕一代大典豈為官師顧我國家承平已久海濱山陬疇弗靡靡於制度文為燦然大備惟是邑在層巒疊嶂中兼無衍沃之地可以比屋居民而四方之謁足而至者又復散處陵谷間往往人為風家自為俗照竊以為端本善則無如官師况乎志之大端曰地輿曰建置曰祠祀曰賦曰人物兵防治忽誰司功過誰司註官師顧不重哉今欲嚴訂官箴以表率乎士民舍志其莫以作志者推不操大獲眩心則同此好惡即不翹人之過豈能匿人之善誠使為官師者日手一編以人為鑑內而觸目警心外而整躬率物以節儉培廉以廉明恤窮廬以正大剛方式序教行於上風動於下又何士習民風之不蒸蒸日上哉照初履任求志不得詢知前任林君有是議未竟而去照乃躊躇者久始得剋期成書案牘勞形且有砌建書院之役一辭未遂贊猶幸儒學場君閉門而造先得我心故訖筆而穩意如此 同治四年乙丑冬初代理縣事蜀城宋照曾撰

保康縣志序

江文通曰作文之難莫難於志蓋錄一代之典章制度徵文考獻勒為成書非兼才學識三長而又折衷五當者不能垂久行遠也若郡縣之志地近則聞見較真約則網羅較易採而輯之不資著作才似甚難焉然亦有難焉者遠方僻壤沿革無稽習俗殊風敷陳非與則討論難且體兼表傳官師人物不盡可傳古蹟藝文不堪稱述則網色難至一方之孝子貞婦義烈可風者或貧賤而不能上達或年久而事蹟失傳九原不作望古徒勞則徵訪難若其稍有勢力者則又妄意干名題邑紳丐當事佳傳索未徵夫貽譏則核實難又况邑舊屬房自前明宏治分建至今前志稿脫於黃學師手既燬於嘉慶丙辰後志稿輯於王明經手又燬於咸豐丙辰一部風俗書兩遭烽火劫欲成厥志豈不難哉楊君好古績學詳採錄有年不諉其難而與門下士王生燮亭等博訪周諮閱事閱兩年釐為七卷凡夫山川形勢之表延土地人民之廣象政典禮制之賅備戶口賦役之區分以及官師人物中之嘉言懿行斷碣殘碑百年埋沒於蒼深林密閭者皆了了得窺其眉目而幽明感應禍福萌兆亦附紀於後為訓俗型方者勸且懲纂

言紀重植為楷模擗管操觚歸其儀的洵不虛外史之職而克祀所難者矣宜乎前太守陳公之以體例嚴明故述簡鍊不愧作手稱也書開雕於丙寅春三月倡議於甲子前邑令林君籌款於乙丑前代理邑令卞牧來君予於四月杪奉蒞茲土不先不後弗慮弗為三閱月即獲觀厥成身未嘗親預其難心未嘗不知其難也予為予幸予為揚君幸予為監修分纂諸君幸以見天下無難成事有志者不可畏難云爾是為序

同治五年歲次丙寅七月既望

賜進士出身知保康縣事新東餘暨林煊煦齋氏書於修省堂之副鵝種梅軒

保康縣志序

志難於因尤難於創初咸豐癸丑夏邑有齋志稿來謁者曰乾隆甲申學師華亭黃公撰有志稿燬於嘉慶丙辰之亂後二十餘年王明經竊峰復為採輯此其手錄敢請鑒諸邑侯以梓之世比聞竟病其兄而心竊許可等奇邑紳家越四年丙辰火於兵夫志禱於政國計民生賴焉向使綴梨棗以廣其傳得何至雨旸於丙辰而斯滅若此甲子春林明府倡修志議讓以鉛槧屬世夫作史之難江文通以為無過於志人豈不自知而甘蹈趙蒙陸潛夫之識國辭卒不獲乃與邑王生燮度啟瑞謀邑謀野務求不汎不略踰年役始蒞蓋無可因也顧以為創敢乎或譬諸畫墁之事而增復有理而增華者倘以此為素功則幸甚

同治四年歲次乙丑六月中浣

道光乙未恩科

舉人保康縣儒學教諭楊世霖慰農氏謹序

例言

一 邑舊屬房聲自唐虞趙宋太祖時置保康軍邑名始此前明宏治年間分房之宜陽修文二里為保康縣宏以前
沿華潭詳房志不必贅即人物選舉房志已載而未明宜陽修文里者恐滋冒濫不敢妄入

一 康對山志武功前有總序議者以為詭稱高簡然志以得信誇多編靡吾無取焉後世作志家每條分有小序相
沿為式茲不敢襲以陳言務去也

一 山川形勢以筆代舌圖說並詳務期脈絡分明源流清晰至於隘口有關兵防尤宜慎重臚列
其有八景無關
民事何以圖為

一 志有官師表止於編年鄭康成云表明也謂事微而不著須表明也邑在萬山中瘠苦實甚已往各官果能有為
有守即於其人各下附紀事實是即所以表之也烏用墨守史家體例為哉

一 班固藝文志尺載書名後世綴以詩文非古也邑志稿失至再前輩諸作教佚無存未必後來者畢竟壓倒又况
人之可傳可法豈在詩文此條不設懸浮夸也研記附載重其人與事也

一 人物所該甚廣非獨志孝節義若歧人物選舉而二之是別選舉於人物外殊非 國家取士文行並重至意茲特合為一卷膺選舉者當勉為一代理人物

一 嘉慶十二年以後俱係新纂以前多宗府志然亦有不取以訛傳訛者如府志載嘉慶元年賊目王蘭云云近查王自新派名鑾時為諸生被虜以密商約鄉勇克復縣城嘉慶六年自新敗取平爾科拔貢至今其墓尚存而府志乃有械送京師之說是不可不辨餘倣此

一 節婦貞女風化攸關係訪卷十三年並示其家不可糜費即糜費附赴學具結概免其贖奈邑中居民除城市外村落稀少甚至在岑蔚之處陵谷之間自成一家單獨無鄰殊訪不易姑就近中舉報及從前已 旌者纂入

一 志凡七篇如地輿建置祠祀田賦人物兵防其間興除利弊有司為政政諸條在前而官師殿後以示責有攸歸邑中祥異幾何然亦不可略非如齊諧志怪使人鬼眼頰耳亦欲守土者知祥之所以召而懼欣奮勉思異之所

由來而恐懼修省云爾故增官師後以資警覺

楊世霖謹識

保康縣志目錄

卷首 序 例言 目錄 姓氏 圖說

卷一 地輿

疆域 隘口 古蹟 風俗

卷二 建置

城池 公署 學校 坊表 書院 里社 市集 鋪遞 津梁

卷三 祠祀

寺觀

卷四 田賦

戶田 丁糧 稅課 蠲政 倉儲 物產

卷五 人物

忠孝 節義 烈女 選舉 捐職 封典

卷六 兵防

兵制 兵事

卷七 官師

官迹 封祥異

新修保康縣志姓氏

鑒定

特授 鄖陽府知府陳壽圖

字達甫江蘇嘉定縣人道光辛丑科進士

倡議

前署保康縣事補黃岡縣知縣林讓昆

岱青廣東平遠人道光己酉拔貢

籌款督梓

代理保康縣事分缺先補知州宋熙曾

菊城蘇州吳縣人附貢

特授 保康縣知縣林煊

煦齋浙江蕭山縣人同治壬戌科進士

纂修

保康縣學教諭楊世霖

慰農大冶縣道光乙未恩科舉人

協修採訪

邑

優

廩

生王燮庭

子均

郡

廩

生

邑

人王啟瑞

蔭軒

邑辛酉科拔貢試用訓導朱錦標

得軒

分纂

邑

廩

貢

候

選訓導王芝庭

某軒

邑

廩

生

朱承業

紹甫

邑

優

廩

生周顯鎬

西垣

邑

廩

生

吳映祥

雲千

校對

邑 歲 貢 候 選 訓 導 王 槐 晉 應 臺

邑 恩 貢 候 選 訓 導 王 明 福 子 受

邑 優 附 生 周 大 純 子 厚

候 選 縣 丞 邑 人 吳 慶 棠 星 橋


邑 歲 貢 生 汪 成 業 益 堂

監 梓

保 康 縣 典 史 董 賜 和 燮 堂 浙 江 山 陰 人 監 生

署 保 康 縣 典 史 王 德 隆 扶 階 陝 西 涇 陽 人 監 生

保康縣全圖



境輿圖




docsriver 文川网
入驻商家 古籍书城

在文川网搜索古籍书城 获取更多电子书

邑西南自茅山落脉結望天山至歐家店突起高峰中出一支向東行由大石腦至大山區起結千家林落脉為長
 嶺起馬鞍山向北行七十里至梅子壩向西落脉起茶卷山橫開大樟中抽嫩枝行七里許作翻身逆勢起結縣城
 面對千家林梅子壩後山直向北行四十里至開峯塔大山西北分一小支由驢頭坡至縣城對面之鰲頭山止千
 家林左水與花園坪七捲坪諸水出南漳之武安堰即在千家林左水與鰲頭山右水俱至豆沙河口與大石腦右邊
 以下諸水相會歐家店西分一支行百四十里逆轉在縣城西北結葛連山狀類屏屏風背把一支直至開峯塔上
 首對面山清吉寺止其右水各支流至豆沙河口會家水繞縣出開峯塔其左水各支流與房之羊兒壩水以及沿途
 各溝水相會至開峯塔諸水至此聚會入河南行十餘里至東莊壩入穀城界若望天山以前向東發兩支最南一支
 為邑九里段江南與東湖黃坪河抵界次一支為邑歐馬河南與九里段江相隔霸王河其水東流入南漳之通城
 河山水大概如此惟道於蜀入者輒述所往 說略

縣志八景

- 筆架雲屏
- 鈎磯石版
- 浮泉古洞
- 滴水高崖
- 魚躍春瑞
- 烏啼夜月
- 銀溪飛雨
- 金渡樓霞



地輿志

疆域

邑在鄆陽府城東南陸路五百三十里水路六_百三十里

東百里抵襄陽府南漳縣界地名雙廟

南百八十里抵宜昌府興山縣界地名八里荒

西九十里抵房縣界地名柳園鋪

北六十里抵襄陽穀城_縣界地名東庄峪

東南百四十里抵南漳縣界地名界山

西南二百里抵宜昌府東湖縣界地名黃坪河

西北八十里抵穀城縣界地名會香觀

東北四十里抵穀城縣界地名黃界

廣百九十里袤二百里五十里

自縣治至省城陸路由南漳九百五十里水路由穀城千六百四十里

自縣治至京師二千七百二十里

東枕岵峪南帶峽沙西控筆架北接烏岵岵然巖險之隅

岵峪山縣東五里一名萬朝山峰色秀麗為邑勝概

三十六榜山東南三十里一峯秀出橫列如屏

滴水巖南八里古木一株臃腫拳曲儼若虬龍不知幾百年物明季忽枯

國初枝葉復榮青翠森蔭望之如華蓋焉

釣魚磯南十五里兩岸石壁參差如魚鱗中有仙人掌跡旁有仙人洞釣者

恒垂綸於側

沙崖屋西南二十五里有洞似屋可居歲久不圮

跳魚洞西南三十里地名門樓頭石橫河中水如瀑布遊魚跳躍而上

冬瓜巖南四十里巖穴中石下垂狀若霜瓜

黑龍洞南四十里車峯坪洞在山腰歲旱禱雨輒應

千家林南六十里層巒疊嶂結成巨嶺西連紅巖寺東接程起山廣百里有奇袤五
六十里其上寬坦霧作冥濛莫辨登者輒託路以標夏月亦衣棉中有白牡丹幹巨
而古花嘗數百朵望之若素娥嬌燒香氣襲人移植山下則易萎

羊門洞南六十五里相傳洞初開有羊隨水浮出項繫有牌故名羊門

或曰水聲洋洋亦作
洋門

尤家巖西南五十里巖高百丈中開一穴高闊各三十餘丈內供佛旁有小池水常滿遊龍者
汲飲於此不溢不竭

樓鼓山南百二十里峯巒巒如鼓如樓不可具狀

回龍寺山南二百里崖高萬丈一巖盤屈上開二峯峭削成前峯博有祖師止其上因建

祖師殿以石橋飛渡後峯觀音殿遊者自眩心驚不敢俯視橋上有碑嘉慶年建

穿洞南二百里地名白石河山村周遭約七里許河水直達洞口洞中半為深溪半為灘水聲如

雷相傳別有石磔可階入不知其所止或以鳴送入流數十里從山腹水洞出

筆架山西里餘高峯插雲橫側異態在左右挹拍肩袂互形類蘇氏研席間物

烏呼嶼西十五里古楊一株挺植垣前輪囷離奇月望之更覺婆娑

九龍洞西南四十里下有清潭極深潭盡處有石棹橫焉棹後復有洞狀似龜蛇守其口無

敢入者每旱禱雨立應隆乾隆四十七年知縣張曾秀勒石記之舊曰有功德於民則祀之又曰能禦水
大災得大惠則祀之矧有求輒應者

之為靈昭昭乎我保邑陶家溝終南洞神明之隄洞深四層層有壇前三壇有水若神漢然至四壇乃無水僅存有一餘
人按洞深查不可測人畏莫敢進壇旁列石鐘石燭石香爐之屬皆天然生成不假雕琢吾聞境之異者神必憑焉又

開深山大澤實產龍蛇詢之居民有旱輒求雨無不應考今春茲北土夏五旱因竭誠齋戒步禱踰日雨又踰日大雨
尤異者禱時置空於壇再拜後獻瓶以香度之得水數分許雨即雨雨後還水於洞嗚呼其靈若此不可不祀歟里人
家正園鑿其旁為廟昔人以祀宜矣洞原在終南以神也改名九龍因祀其求禱之應而繫以頌曰龍樓有九茲其聚
妖抑開路斯九子是育來居洞天作吾民福夏五炎燭木如拉來禱祀以求雲蒸山谷甘雨如注與我百穀雨至雨金
何如雨泉載厥神
功以似以續

馬盤山西南百里峯似馬頭百步九折乃得上

果老崖西南百四十里後有雙峯並峙直如旗杆亦名旗杆巖巖腰陞石嵯峨形肖果老騎驢又踰南釣

魚磯旁有果老崖

高尖山西南百三十里峭壁插天頂有古廟登者如超上界

三尖山西北九十里山形聯延聳峭天外三山削不成不獨在咸京太華也

萬連山西北十五里萬峯相接疊翠可觀

白雲山西北六十五里在蔣口上有廟唐時勅建

漆樹山東北四十里山多漆樹故名

大山寨北五十里接穀城界周圍寬廣約六十里中峯聳峙雙崖壁立自成石門門外巨石如屏
客人側入絕頂平坦可耕闢十餘畝又有東西二井其水不竭居民避亂者咸賴焉

望城崗城北五里許

黃連樹塢西北六十餘里

觀音巖南二十里大山宮小山頂尖秀聳下盤曲如蓮座

梅子嶺東二十里

天馬山南十里

官山東四十里

懸壺嶺東南九十里

石人山南二十五里

司空山東九十里與南漳交界處

老架山南百里

龍山南百二十里

界山南百五十里接壤南漳

段江山南百八十里界東湖

蘇園西南六十里

驢頭坡南六十里

大石腦西南八十里

金斗坪西九十里一名蘭斗坪

馬欄牆西四十里

梭塞山西百十里

萬安山西北十五里

五臺山西北百十里

深溪河東南百里發源邑南山之南水出南漳縣通城河

板倉河自千家林發源至雙河觀與黃保坪水相會又至豆沙河與清溪河會同繞城縣

清溪河源出縣南六十里伍家峽河由謝士坪至豆沙河會板倉河水經城南郭北流四

十里注開峯峪與粉青河會名曰南河同出穀城入漢江

雞冠河南百里一名姬公河發源房縣山中東北流入粉水

湯峽河西三十餘里一名湯洋河溫暖可浴源出門樓頭西南流至謝士坪入豆沙河

粉青河源西北六十里即蔚源發房縣羊兒壩收兩岸各港及珠藏洞水過蔚口達開峯峪與清溪
河口會北流入南河

館驛溝東二十里水出黃係坪

豆沙河南十五里發源東流水會伍家峽羊門洞及湯峽河水入清溪河出開峯峪

洋魚洞南六十五里

歇馬河南百二十里水出通城河入當陽

金才河西南九十里

銀溪溝西一里

珠藏洞河西七十里北岸房縣界

桑坪河西百里

大石河西百二十里

臺口河西百二十里

屹峪溝北二十里源出東北橫冲清溪河石疊如山每逢夏漲舟不敢行

白峪溝南二十里水出豆沙河

龍蟠溝西二十五里孤峯聳峙避亂者梯壁而上今在葛古堡

蔣峪河西北六十里出蔣口入粉青河

瓦屋灘西北五十里

青灘北四十五里

茨灘北五十里抵穀城界

蘇泉東門外泉自山下噴出冬夏不竭明宏治間知縣蘇惠和鑿小渠導引入城濠

docsriver 文川网
入驻商家 古籍书城

在文川网搜索古籍书城 获取更多电子书

汲飲甚便民德之故名 國朝咸豐十年代理知縣王錫疇勒有碑

勺泉俗名一盞碗水西南北百四十里土崗平行道左有石方丈高三尺寬二尺許旁西有小穴容水一勺味極甘行人杯飲不竭

龍王泉亦在溫泉西北二十里又縣東二十里有湯池兩泉皆出自山腹混混不竭夏涼冬溫

龍潭南百二十里地在歇馬河巖千仞半坡突開一洞水聲潄潄由石間出乃歇馬河源也

蓮花池南百三十里山形層層環抱狀若蓮瓣中有池

天池西北四十里池在山最高處寬三畝許水清而極深或五色雲覆其上夏年必溢

張家堰距城三里

三歧堰南二里 一作山溪堰

王錫堰南五里 一作王家堰

豐來堰南五里

官莊堰南十里

姚七堰南十里

堰塘西五里

均坪堰東十五里

尚玉兩堰距城三十里

黃堡坪堰東距城四十里

北峯大堰距城百六十里

楊柳堰東南六十里

鷺鷥堰西北三十里